

Kommune Kujalleq

aamma

Namminersorlutik Oqartussat akornanni

Majorianik ingerlatsineq pillugu

naammassisassanut isumaqatigiissut

2021

Imai

| | | |
|----|--|----|
| 1 | Aallarniut..... | 2 |
| 2 | Tunuliaquit..... | 2 |
| 3 | Siunertat | 3 |
| 4 | Anguniakkat | 4 |
| 5 | Naammassisassatut anguniakkat..... | 4 |
| | A. Majoriamit saaffigisat | 5 |
| | B. Majoriami suliassat nassuiarneri | 6 |
| | Pingaarnersiukkatut tulleriaakkat..... | 9 |
| 6 | Nalunaarusiortarneq..... | 10 |
| 7 | Sulisorisat..... | 11 |
| 8 | Aaqqissuussaaneq..... | 11 |
| 9 | Aningasaqarneq | 12 |
| | Suliffeqarnermut tunngasortaanut missingersuutit | 13 |
| 10 | Ingerlatsinermut tapiissutit | 13 |
| | Immikkut ittutut iliuusissat aamma agguassassat | 15 |
| | 10.1. Ilinniartutigisassat..... | 16 |
| 11 | Nakkutilliineq | 17 |
| 12 | Akerleriissutaasut, pisussaaffimmik sumiginnaaneq aamma kalerriisarnedq..... | 17 |
| 13 | Atortuulerfia, piffissaq atuuffia, isumaqtigiiiniaqqittarneq aamma atorunnaarsitsisarneq | 18 |
| | Ilanngussaq: Majoriamut aamma Majoriami suliassanut toqqammavigisat..... | 20 |
| | 1. Inatsisinut tunngasutut toqqammavigisat..... | 20 |
| | Ilanngussaq: Najoqqtassiaq: Naammassisassatut isumaqtigiiisummut malitseqartitsineq | 22 |
| | Ilanngussaq: Punkt A-mut qinnuteqarnermut immersuiffik..... | 22 |

1 Aallarniut

Namminersorlutik Oqartussanut isumagisassatut Kommune Kujalleq suliassanik anguniagassanillu imminut pisussaaffilerfigisaanik isumaqtigiissut manna aalajangersaavoq. Tassunga Namminersorlutik Oqartussat ukiumoortumik ingerlatsinermut tapiissuteqartarput. Kommune Kujalleq aamma Namminersorlutik Oqartussat akornanni suleqatigiinnermut isumaqtigiissut tunngaviuwoq, tassaassaarlu illua'tungeriinnut tamanut aqutsinissamut sakkussaq. Ilitsersuisarnermut piginnaanngorsarnermullu ilarisai pillugit Namminersorlutik Oqartussanit ingerlatsinermut tapiissutit akiliutiginissaannut tunngavigisatut kommunimi Majoriami imaluunniit tassunga atatillugu suliassanik isumagineqartussanik isumaqtigiissut imaqpaoq. Majoriamut aammalu Majoriami suliassanut toqqammavissanut, Namminersorlutik Oqartussat aamma kommunip/Majoriap akornanni sunniivigeqatigiiffinnut ataatsimut takussassaqarfittut, kiisalu suliassat **annertussutsinik tamanik ilanngussuisumik** nalunaaruteqartarnermut najoqqtassamik ilanngussat isumaqtigiissummi ilanngunneqarput.

Kommunimut tapiissutaasut aqqutigalugit suliffeqarnermut tunngasortaanut aningaasartuutit kommunip akilissavai.

Ukiumut ataatsimut, 1. januaari 2021-mit 31. decembari 2021-mut isumaqtigiissut atuuppoq.

Majoriamut ingerlatsinermut tapiissutit aamma ilinniartut amerlassusissaat aningaasanut inatsiseqarfip ukiuani 2021-mi immikkoortumi "Aningaasaqarneq"-mi nassuiarneqarput.

2 Tunuliaqtit

Suliffisanut, ilitsersuisarnernut pikkissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersoq naapertorlugu kommunimi illoqarfinni tamani Kommune Kujallermi kommunalbestyrelse Suliffisanut, Ilitsersuinernut Pikkissaqqinnernullu Qitiusumik ingerlatsivinnik pilersitsivoq. Ingerlatsiviit taakku taaguutigaat Majoriaq.

Majoriaq tassaavoq makkuninnga pingaarnertut suliaqarfiusutut aaqqissuussaaffiusutut ingerlatsivik:

- 1) Nuna tamakkerlugu akeqanngitsumik suliississallutik suliffeqarnerup ineriertortinneqarnissaanut, tamatumani aamma nukitorsassallugu sulisinnaasut piginnaasatigut ineriertornissaat, aamma nunap iluani sumiiffinnut assigiinngitsunut nikilertortarnikkut nuttarsinnaanissaat.
- 2) Sumiiffigisami, nunap immikkoortuani aamma nunami namminermi ornigaqartuusumik suliffeqarfimmi iliuuserisamik suliaqartarnissaq. Inuutissarsiorfiit atorfiillu tamaasa iluini piviusunik atorfinititsinerit pilersinnissaat siunertaralugit suliffissarsiortut sulisartullu akornanni attaveqaasersuineq.
- 3) Suliffeqarfimmi atajuartumik suliffeqalernissaq anguniarlugu suliffissarsiortut tamakku suleqatigalugit suliffimmi qaffakkiartorfissanik ilitsersuisarnermik neqerooruteqarlunilu inunnut ataasiakkaanut iliuusissatut pilersaarisornerit.

- 4) Suliffissarsiortut piginnaanngorsarnissaannut sulianut tunngasunik pikkorissartitsinernik innersuussisarnerit.
- 5) Ilanniagaqarnermik suliassaqarfiusumut qinnuteqartunik ilitsersuillunilu allaffissornikkut aqtsineq.
- 6) Meeqqat atuarfianni klassini angajullerniittut ilitsersornissaat pillugit meeqqat atuarfiannik suleqateqarneq.
- 7) Suliffissarsiortut piginnaanngorsarnissaannut sulianut tunngasunik pikkorissartitsinernik innersuussisarnerit. Ilanniagaqalernissamut suliffeqalernissamullunniit piareersimalernissamut piginnaanngorsaanermik ingerlatanik Majoriaq suliaqartassanersoq kommunalbestyrelsip aalajangersinnaavaa.
- 8) Innuttaasunik suliffissarsiortunuk sulisinnaasuseq aallavigalugu inissisuineq. Suliani nalornissuteqarfiusumi Suliffisanut, ilitsersuisarernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 5, imm. 3 malillugu Suleqatigiinnissamik Aaqqissuussivimmi misissuisoqarnissamik innersuussisoqassaaq.
- 9) Killilimmik sulisinnaassusilinnut innuttaasunut piginnaanngorsaaqqinnernik allaffissornikkut aqtsillunilu ilitsersuisarneq, ilanggullugit piginnaanngorsaaqqinnermut pilersaarusiortarnerit.
- 10) Suliffissarsiorfittut nittartakkami, attuumassutilittullu databasini allani suliffissarsiortunuk nalunaarsuisarnerit.

Tamakku saniatigut Majoriaq suliffeerunnermut piginnaanngorsaaqqinnermullu ikorsiissutinik aqtsisuuvoq, nuttarnerulersitsiniarluni aningaasaliissutaasartunik suliaqartarluni, kiisalu nunap avataaneersunik sulisussarsiortarnermut qinnuteqaatinik aqtsisuulluni.

Suliffeqarfimmik, ilanniagaqarnermik imaluunniit piginnaanngorsaanermik ilitsersuinermut tunngasutut kommunimut saaffiginninnerit Majoriakkut pisarput. Tamanna "ataasiinnarmik saaffiginnittarfittut tunngavigisamik" taaguuteqarpoq, tassaavorlu Majoriamut tunngavigisaasoq, takuuk aaqqissuussineq pillugu § 8.

3 Siunertat

Majoriamut pingarnertut siunertat tassaapput:

- Innuttaasuni ilinniarsimassutsip annertusisinnissaa
- Suliffissaaleqinerup annikinnerulersinnissaa
- Tamatigoortumik sulisartuni piginnaasat nukitorsarnissaat

Majorissanik pilersitsineq tassaavoq suliffeqarnerup annertusarnissaanut Naalakkersuisut periusisiaasa ilaat. Tamanna nunatsinni suliffeqarfimmik ataatsimoortitamik ataatsimik pilersitsinkkut pissaaq, tamatumunnga tapersersuisunik piginnaasalinnik sunniuteqarluartunillu aqtsisoqarfennik peqartillugu. ingerlatsiviit "ataasiinnarmik saaffiginnittarfittut tunngavigisaq" qularnaassavaat, taamaalillutik suliffissarsiortut, aamma inuuusuttut suli ilanniagaqalinngitsut, imaluunniit suliffeqarfimmilfersimannngitsut qanoq ingerlariaqqinnissaminnut pilersaarusrifiusinnaassammata, aammalu piffissamut ungasinnerusumut suliffeqarfimmut qanoq isernissaannut, imaluunniit uteqqinnissaannut

pilerausiorfigineqarlutik. Tamakku saniatigut innuttaasut piginnaanngorsagaanissaminut neqeroorfigineqassapput.

4 Anguniakkat

Majoriamut pingaarnertut anguniagaq tassaavoq suliarisani suliassaqarfiit: suliffiit, ilitsersuinerit piginnaanngorsaanerillu akornanni sunniivigeqatigiinneq sapinngisamik pitsaanerpaamik atugaqarficalugu suleriaatsnik assigiaartunik sunniuteqartunillu pilersitsinissaq. Innuttaasup qitiusumik inissismalersinnissa, aamma suliffeqarfiusumut ilalersuuteqarnissaanut sapinngisamik pitsaanerpaamik ilitsersorneqarlunilu piginnaanngorsagaanissa, kiisalu ikiorserneqarnissa tamatuma isumannaassavaa.

Anguniakkat ilaat tassaapput:

- Suliassat akornanni ilitsersuineq ataqtigiissaarinerlu pitsangorsarneqassapput. Suliffeqarfik, ilinniagaqarneq imaluunniit piginnaanngorsaaneq pillugit ilitsersorneqarnissamik qinnutiginnittup ilitsersuutit paassisutissallu nassaariniarneranut tamanna oqilisaassaaq.
- Immikkut ittunik piginnaasanik pisariaqartitsinermut tunngasunik inuussutissarsiorfimmik oqaloqateqartarneq pitsangorsassaaq. Tassani piginnaanngorsaanermik aamma/imaluunniit nangitamik ilinniagaqarnerit sapinngisamik siamasinnerpaasutut pisariaqartitsinermut tunngasuussapput.
- Ilinniakkami piginnaanilersitsisumik inuusuttut qinnuteqartut tiguneqartullu amerlanerulersinneqassapput. Tamanna aamma innuttaasunut suliffeqarfimmik atugassarisanik pitsangorsaasussatut naatsorsuuteqarfiusunut sulisartooreersunut piginnaanngorsaanermut tunngavoq. Ilitsersuisarnerup pitsaanerusup nassatarisaanik ilinniagaqartuni taamaatitsisartut ikinnerulernissaat aamma tunngaviuvoq.

Sulisartuni piginnaasat pitsaaningortinnissaannut tamanna aqqutissiuissaq, taamaalillutik innuttaasut amerlanerit ilinniagaqarsimasuulissammata/ilikkagaqartitaasimassammata, taamaalillunilu inuussutissarsiorfiup immikkut ittunik piginnaasanik piumasaqarnera annertunerusumik taperneqarsinnaassalluni.

Anguniagassat piviusunngortinniarlugit ilinniagaqarniarlutik qinnuteqartunik ataasiakkaanik tamanik ilinniakkamut piginnaalersitsisumut aamma/imaluunniit ilinniagaqalernissamut piareersaasumut ilaatigut ilitsersuinertigut piareersaatitullu ingerlatatigut, imaluunniit FA-mi¹ piginnaanngorsaasutut ingerlatsinikkut imaluunniit atuagarsornerunngitsumik piginnaanngorsaanikkut Majoriaq piginnaanngorsaaniassaq.

5 Naammassisassatut anguniakkat

Nunatsinni suliffeqarfimmik pingaarnertut anguniagaq tassaavoq nunami innuttaasut akornanni sapinngisamik annerpaamik suliffissaqarsinnaanissaq. Inuussutissarsiorfimmik immikkut ittunik sulisartunik

¹ FA: *Meeqqat atuarfianni Inaarutaasumik misilitsinneq.*

pisariaqartitaasunik sulisartuni piginnaassuseqarfiup inissisimaffiata takusassartaqarneratigut tamanna anguneqassaaq. Anguniakkat ilaat tassaapput:

- Inuuusuttut 30-t inorlugit ukioqartut ilinniagaqarnissap tungaanut ilitsorsorneqassapput. Inuuusuttut ilinniagaqaratilluunniit suliffeqanngitsut orniguffigalugit ilitsorsorneqassapput. Kalaallit Nunaanni Naatsorsueqqissaartarfik malillugu 2018-imi inuuusuttuni 32 %-it ilinniakkamik ingerlataqaratilluunniit suliffeqartuunngillat.
- Suliffissarsiortut siusinaartumik soraarnerussutisialinnut suliffeqarfimmut uteqqinniartunut suliffissarsiuussisarfik ingerlatanik aallartisaassaaq, paasisaqarniarlunilu ingerlatat piaarnerpaamik pisassapput, aammalu pisariaqartitsinerit malillugit.
- Sivisuumik suliffissarsiortuni 60 %-it piginnaanngorsaaqqinnermik ingerlatamik aallartitaqassapput, piginnaanngorsagaqqittullu tamarmik malittarineqartuassapput. Minnerpaamik qaammatit pingasukkaarlugit malittarininnerit ingerlanneqartassapput.
- Ingerlariaqqinnissaminnik kissaateqarlutik saaffiginnittunut innuttaasunut ataasiakkaanut tamanut inummut tunngasunik pilersaarusiortoqartassaaq. Innuttaasumut iliuuseqarnissamik pilersaarusiornissaq inatsisitigut pisussaaffiuvoq, periuserlu atorneqartussaq suleriaasissatut nassuaatini nassuiardeqarpoq.
- Sulisinnaasuseq aallavigalugu inississuineq eqqortoq isumannaarsimassaaq.
- Majoriap saaffigisaanut kommunalbestyrelse anguniagassanik suliaqassaaq. Majoriam ingerlatsivit pillugit ukiumoortumik nassuaatip nassiunneranut atatillugu taakkununnga Majoriaq nassuaassaaq, takuuk kapitali 6.
- Ilinniartunut nutaanut aallartitsissutitut ingerlattakkamik ukiumut minnerpaamik ataatsimik Majoriaq suliaqartassaaq.

Suliffissaleqinerup annikillisinniarneranik anguniakkamik tikitsiniarluni suliamik isumaginninnermik pitsaanerpaamik kommunip isumaginnittarnissaa siunertarineqarpoq.

A. Majoriamit saaffigisat

- Suliffissarsiortunik sulisinnaasuseq aallavigalugu inississuineq 1 aamma 2-miittut tamarmik. Sulisinnaasuseq aallavigalugu inississuineq 3-miittut isumaginninnermut ingerlatsivimmit misissugarineqassaapput.
- Suliffissarsiortut tamarmik.
- Kalaallit Nunaanni avataanilu ilinniagaqarnissamut ilitsorsorneqarnissamik qinnutiginnittut tamarmik,² kiisalu suliffeqarfimmut tunngassutillit.
- Inuussutissarsiutinik ilinniarfinni ilinniarnerup aallartinnerani ilinniartut, aamma sungiusarnerup nalaaniittut.

² Kalaallit Nunaanni ilinniartitaanermut inuussutissarsiutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-imeersoq, kap. 4, § 18

- Meeqqat atuarfianni atuartut 16-it tikillugit ukiullit. Tamanna Meeqqat Atuarfiat suleqatigalugu piissaaq.
- Iluniagaqalernermut imaluunniit suliffeqarfimmilernermut piginnaanngorsagaanissamut qinnuteqartut.
- Innuttaasunut katsorsagaanissamik pisariaqartitsisunut, imaluunniit Majoriamit neqeroorutaasinnaasumut naleqqiullugu immikkut ittumik tapersersortarialiannut innuttaasoq kommunimi isumaginnittoqarfimmut innersuunneqassaaq. Tamatuma kingornatigut innuttaasunut eqimattunut taakkununnga sapinngisamik pitsaanerpaatut sularisassat pillugit isumaginnittoqarfllu suleqatigiissutigalugit aallartisarneqarsinnaapput³.

Innultaasunik sulisinnaasuseq aallavigalugu inississuineq Majoriaq isumaginnissaaq, aamma tulluarsaqatigiaarineq pillugu nalornisoqarfinni aamma/imaluunniit taakkununnga oqartussaasoqarfieu sorliup akisussaaffiginerini suliassaq suleqatigiinnermut aaqqissuussiviusumut, Majoriamit peqataaffigineqartumut, ajornanngippallu pisariaqartitsinerit malillugit meeqqat atuarfiannit aamma inunnik isumaginnittoqarfinit peqataaffigineqartumut **innersuussutaasinnaavoq**. Suleqatigiinnermut aaqqissuussiviup taamailluni Majoriami imaluunniit inunnik isumaginnittoqarfimmi attuumassuteqarnerpaatut suliassamik isumaginninnissamut innersuussinnaassavaa.

Suleqatigiinnermut aaqqissuussivimmi Majoriamit, inunnik isumaginnittoqarfimmit, kiisalu meeqqat atuarfiannit sinniisunik peqaataasoqassaaq, takuuk Suliffisanut, ilitsersuisarnernut pikorissaqqinnernullu qitiusumik ingerlatsiviit pillugit Inatsisartut inatsisaat nr. 28, 9. december 2015-imeersumi § 5, imm. 5.

B. Majoriami suliassat nassuiarneri

Inatsisinko najoqquataqarluni suliassanik arlalinnik suliaqarnissaq communalbestyrelsip akisussaaffigaa. Naammassisassanut isumaqatigiissut manna tunngavigalugu suliassanik ataaniittunik isumaginninnissaminut communalbestyrelse akisussaaffeqarpoq:

I. Ilitsersuineq

- Innultaasunik ilitsersugaanissamik qinnutiginnittunik akuerinnillunilu ikiuisarnissaq, ilitsersuinermillu neqerooruteqartarnissaq, ilanggullugu qaffakkiartorfissanik ilitsersuineq.
- Inuuusuttut iluniagaqarfittut aaqqissuussaaffiit suliffeqarfiullu avataaniittut orniguffigalugit ilitsersugarineri.
- Innultaasunut ataasiakkaanut (tamaticoortumik) iliuusissatut pilersaarusiortoqassaaq. Iliuusissatut pilersaarutip aaqqissuussivik tamakkerlugu innuttaasoq malittarissavaa, apeqqutaanatik suliassanik isumaginnittoqarfittut aqutsisoqarfii.
- Innultaasut suliffissarsiortut misissugarineri, kiisalu suliffeqartut kivitsiviginissaminnik pisariaqartitsisut, soorlu sulianut tunngasutut pikorissartitsinernut (Aningaasanut inatsimmit

³ Innultaasut FA-miittut aamma atuagarsornertaqanngitsumik ingerlassaniittut, kiisalu inuutissarsiutinik iluniagaqartut pineqaraangata ilinniarternertuunngorniartut Siunnersuisarfiannut innersuussisoqassaaq.

tunngaveqartunik, PKU, AMA allallu). Iliusissatut pilersaarummut pikkorissartitsinerit ilaatitaassapput.

- Pikkorissartitsinernik neqerooruteqarnernut tunngatillugu inuussutissarsiutinik ilinniarfinnik qanimut oqaloqateqarneq.
- Sumiiffigisami, nunap immikkoortuani nunamilu namminermi inuussutissarsiorfimmut orniguttartuullunilu qanimut attaveqartuuneq.
- Tulluartuusutut kommunalbestyrelsip isigissappagu ilitsersuinerup ilai qitiusumut inissisorneqarsinnaapput, taamaalillutik qitiusutut inisisimaffilitut ilitsersuisartut sumiiffikaani ilitsersuisarnermik tapersersuisinnaassammata. Innutasut sapinngisamik pitsaanerpaamik ilitsersorneqarnissaat qularnaarniarlugu taamaaliortoqassaaq. Ilitsersuineq qarasaasiakkut internettimi pisinnaavoq, Skype assingusullu aqqutigalugit.

II. **Tamatigoortumik ilinniagaqarnermut ilitsersuineq, kiisalu inuussutissarsiutinik ilinniarfinni ilinniartunut immikkut ittunik ingerlataqarnerit**

- Ilinniagaqarnermut ilitsersuinerup isumaginera.
- Kalaallit Nunaanni ilinniakkanut qinnuteqarnissamut immersugassanik immersuinermik ikorsiineq, aammalu ilanngussassatut pisariaqartitat tamarmik ilanngunneqarnissaannik isumaginninneq.
- Kalaallit Nunaanni ilinniakkanut qinnuteqaatit, kiisalu ilinniagaqarnersiutinut qinnuteqaatit tigoorarlugillu ingerlateqqinneri.
- Kalaallit Nunaanni inuussutissarsiutinut ilinniarfimmit neqeroorutaanngitsumik Danmarkimi inuussutissarsiutinut ilinniakkanut qinnuteqaatinik tigooraaneq. Tamanna annertunerpaamik Nuummut atuutuuvoq.
- Ilinniakkami tiguneqarnissamut qinnuteqartunut inunnut tunngatillugu IT-reg.-imi nalunaarsuillunilu paasissutissanik katersuineq, takuuk nalunaaruteqartarneq pillugu immikkoortoq 6.
- Ilinniarneq sioqqullugu sungiusarnerullu nalaani inuussutissarsiutinik ilinniagaqartunut ilinniakkamut sungiusarnermullu ilitsersuisarneq, ajornanngippat inuussutissarsiutinik ilinniarfinni.
- Ilinniartut pillugit oqaaseqaatit suliarineri.
- Inuussutissarsiutinut ilinniarfinnut inuussutissarsiutinik ilinniartunut aallartitsissutitut ingerlatanik naammassisaqtarneq.
- Sungiusartarfissanik suussusersillunilu taakkununnga attaveqartitsisarnerit.
- Sungiusartarfittut akuerineqarnissaq pillugu qinnuteqaatit tiguneri ingerlateqqinnerilu.
- Ilinniartunut isumaqatigiissusiornерит. Ilinniartoq illoqarfigisami avataani sungiusarfissamik nassaarpas illoqarfigiligassap ilinniartumut isumaqatigiissutissaq suliarissavaa.
- Inuussutissarsiutinut ilinniarfinnut attaveqartarneq, illua'tungeriillu pingasut akornanni oqaloqateqartitsisarneq.
- Ajornanngippat nunap immikkoortuani ilinniarfimmi ingerlataqarnerit.

III. Piginnaanngorsarneq

- Piginnaanngorsaanernut atuagarsornertalinnut aamma atuagarsornertaqanngitsunut ingerlatanut, soorlu sannavinni sulinissamullu sungiusarnertut ingerlatatut ittuni innuttaasut suliffissarsiortut misissuiffagalugillu ilitsersorneri.
- Inunnut ilinniagaqarnissamut piginnaanngorsaaviginissaminnik kissaateqartunut FA-mi ingerlatanik naammassisaqtitsinerit.
- Inuuusuttunut suliffissaaleqisunut, allanullu suliffeqarfimmut imaluunniit ilinniagaqalernissamut piareersarneqartussatut saaffigisanut paasissutissiinermik ingerlatanik naammassisaqarnerit.
- Majoriap suleqatigisaani højskolini tamakkunani højskolernissamut misissuinerit. Danmarkimi højskolinik attaveqaqatigiinnermik taakkununngalu tunngasunik tamanik Qaqortumi Majoriamiuttoq Grønlands Center for danske højskoler - GCDH (Danmarkimi højskolinut Kalaallit Nunaanni Ingerlatsivik) isumaginnittuuvog.⁴

IV. Inuuusuttut 18-it tikillugit ukiullit pillugit kommunimi atuarfeqarfimmik suleqateqarneq

- Piareersaanermik, aamma ikaarsaariarfimmi ilitsersuinerit naammassinerinik kommunimi atuarfeqarfimmik ikuineq – pineqarlutik meeqqat atuarfiat, tunngaviusumik atuarfiit namminersortut, efterskolit folkehøjskolillu, aamma ilinniagaqarfiit.
- Ilitsersuinermut atugassanik atuartunut soraarummeertunut meeqqat atuarfianni suliarisatut iliuusissatut pilersaarutit assilinerinik, kiisalu atortussanik pisarialinnik allanik tigusaqarnerit, ilanngullugit atuartunut ataasiakkaanut taakkununnga soraarummeernerut upternarsaatit, aamma karakteerit.
- Inuuusutt immikkut ittumik ilitsersuinermit iliuuseqarfingeqanngikkunik ilinniakkap imaluunniit suliffiup toqqarnissaanut, aallartinnissaanut imaluunniit naammassinissaanut ajornartorsiuteqartut imaluunniit ajornartorsiuteqartussat anguniagaqarfigisamik ilitsersugarinerinik isumaginninneq.
- Inuuusuttunik meeqqat atuarfiannik imaluunniit assingusumik ilinniartitaanissamik pisussaaffigisamik ingerlatap naammassinerata kingornatigut ilinniakkamik imaluunniit suliffimmik aallartitaqarsimangitsunik, imaluunniit ilinniagaqarnermit ingerlatamik taamaatitaqarsimasunik orniguffiginnilluni ilitsersuineq.
- Inuuusuttoq ilinniakkamik ingerlassaqassanngippat, imaluunniit suliffeqassappat, imaluunniit ilinniagaqarnermit ingerlatamik taamaatitaqarsimassappat inuuusuttoq aamma angajoqqaatut oqartussaassusillit suleqatigalugit ilinniagaqarnissamut iliuusissatut pilersaarusiorneq.
- Inuuusuttoq meeqqat atuarfiannit ilinniagaqarnissamut iliuusissamut pilersaaruteqassanngippat inuuusuttup atuarfigisimasaanik suleqateqarluni iliuusissatut pilersaarusiorneq qularnaarneqassaaq.
- Ilinniagaqarnissamut iliuusissamut pilersaarutip piviusunngortinnissaa, aamma anguniakkat nutaat imaluunniit iluarsaqqitat aalajangersarnissaat pillugit inuuusuttumik 16-it inorlugit ukiulimmik aamma angajoqqaatut oqartussaasut oqaloqatigineqarnissaasa qualkkeernissaat.

⁴ Isumaqatigiissuteqarfigisanut naleqqiullugit højskolini allani innuttaasunik højskolertitsisoqarnissaq kissaatigineqassappat naalakkersuisoqarfik isumasiorneqassaaq, aamma innuttaasup najugaqarnissaal pillugu Kalaallit Illuat ilisimatinneqassaaq.

V. Suliffissarsiuussineq

- Atorfinnik sunilluunniit suliffissarsiortunut suliffissarsiuussinermik suliffisanillu innersuussinernik isumaginninneq, kiisalu inuussutissarsiorfinnit tamanit sulisitsisunut sulisartunit innersuussisarnerit.
- Siullerpaamik suliffissarsiortunut tamanut ilitsersuiffittut oqaloqatigiinnissamut piffissaliineq, aamma tamatigoortumik iliuusissatut pilersaarusiorneq.
- Innuttaasut suliffissarsiortut suliffissarsiorfittut nittartakkami databasinilu attuumassutilinni allani nalunaarsorlugillu neqerooruteqarfigineri.
- Suliaqalersitsinernik, piginnaanngorsaaqqinnernik allanillu ilinniagaqalersitsinerit isumagineri.
- Siusinaartumik soraarnerussutisialinnut sivisuumillu suliffissarsiortunut ilitsersuinerik kaammattuinermillu ingerlatanik ingerlatsisarnerit.
- Suliffissarsiortut www.suli.gl-imi CV-liorneranni ikorneri.
- Suliffissarsiortunik sulisinnaasuseq aallavigalugu inississuineq.
- Suliffeerunnermi ikorsiissutisussatut suliffissarsiorallartut nalunaarsorneri (ingammik suliffissuarni sulisut angerlartitat assingusullu).
- Suliffissarsiortunut pikkorissartitsinerit (ilaatigut PKU, AMA allallu) aaqqissuussaralugillu peqataasinjaasunik misissuisarnerit.
- Innuttaasunut illoqarfimmut allamut suliffissarsisinnaaffimminnut nuunniartunut nuttarnerulersitsinermut ikorsiissutit pillugit qinnuteqaatinik tigooraasarneq.
- Suliffeerunnermi ikorsiissutit aamma piginnaanngorsaaqqinnissamut tapiissutit pillugit qinnuteqaatit suliassartaannik isumaginninnerit.
- Nunatta avataaneersunik sulisartunik sulisoqarnissat pillugit sulisitsisunit qinnuteqaatinik tigusinnittarnerit.
- Sumiiffiusumi, nunap immikkoortuani aamma nunami namminermi inuussutissarsiorfimmut orniguffigisamik suliffeqarfimmi iliuuseqartarneq, kiisalu piviusutut atorfinitssinissanik siunnerfeqarluni sulisitsisup suliffissarsiortullu akornanni attaveqartitsinerit, kiisalu suliffimmi ilinniartunut sungiusartunullu inissaqarfissanik pilersitsinerit.

Pingaarnersiukkatut tulleriaakkat

Suliassanut nassuarneqartunut kommunimi pingaarnersiukkatut tulleriaakkanki Majoriaq suliaqassaaq. Majoriap suliassaanut sammisassanik pingaarnersiuinerik matuminnga Namminersorlutik Oqartussat innersuussipput:

1. Ilitsersuineq
2. Aaqqissuussiffiup avataani inuusuttut orniguffigalugit ilitsersorneri
3. Suliffissarsiuussineq
4. Piginnaanngorsaaneq

6 Nalunaarusiortarneq

Ingerlatsinissamut tapiissutissatut aningaasaliissutaasunut naatsorsuutit peqatigalugit nassiuunneqartussamik naammassisassatut isumaqatigiissutip piviusunngortinnera pillugu Majoriam ingerlatsivinnit ataasiakkaanit tamanit ukiumoortumik nalunaarusiaq communalbestyrelsip sularalugulu Inuussutissarsiornermut Suliffeqarnermullu Naalakkersuisoqarfimmut nassiuuttassavaa.

Ukiup tulliani kingusinnerpaamik apriilip aallaqqataani naammassisassatut isumaqatigiissutip piviusunngortinnera pillugu nassuaat communalbestyrelsip nassiuuttassavaa. Ukiup ilivitsup siulianut qarasaasiakkut paasissutissanut aaqqissuussiffimmit IT-reg.-imit anillatsitat Majoriap kisitsisinik nalunaaruteqarnermini atussavai. Ingerlatsiviup pisussaaffigisaanik Majoriap piviusunngortinneranik nalilersuinissamik siunertaqarluni naammassisassatut isumaqatigiissummi aalajangiussatut naammassillugit anguniagassanut paasissutissat nalunaarutigisat assersuunneqassapput.

Qarasaasiakkut paasissutissanut aaqqissuussiffimmit IT-reg.-imit anillatsitat minnerpaamik iliuusissatut pilersaarusrisanik, holdikkaatut ingerlatsisimasunik, aamma tulluarsagaasunit pingasunit tamanit allattuiffiit imarissavaat.

Siuliani ukioq ilivitsoq nalunaarusiap eqqartuiffigissavaa, aamma inuussutissarsiuutnik ilinniartunut suliarisat, piginnaanngorsaanerit, ilitsersuinerit aamma suliffeqarfik imarissallugit.

Nalunaarusiornermut najoqqtassiaq kakkiunneqartoq atorneqassaaq (Najoqqtassiaq:
Naammassisassatut isumaqatigiissummut malitseqartitsineq).

Suli.gl-imik atuineq pillugu

Kalaallit Nunaanni atorfinnut inuttaligassanut ataatsimut isiginniffissiniarluni, aammalu suliffissarsiortunut atorfinnik innersuussiniarluni communalbestyrelsip suliffissarsiortfittut nittartagaq www.suli.gl atussavaa. Kommunalbestyrelsip tassannga atuinissamik ilitsersuinissamut akisussaaffigisaanut nittartakkamut suliffissarsiortup CV-ni inississavaa, aammalu suliffissarsiortup nammineq isumagisinnaassanngippagu suliffissarsiortup CV-anik communalbestyrelse inissiissaaq.

Ilinniagarisap ilaatut suliffimmi ilinniarnermik imaluunniit sungiusarnermik ingerlatassamik ilaqaartumi inunnut ilinniagassami tiguneqartussaasunut, aammalu Naalakkersuisut suliffissarsiortfittut nittartagaani CV-mik immersuinissamut suliffimmi ilinniarfissamik imaluunniit sungiusarfissamik isumaqatigiissummiik atsiugaqarsimanngitsunut Majoriaq ilitsersuisinnaavoq, takuuq ilinniartut sungiusartullu atorfinitssinnerini suliffiit pisortanilu oqartussat inuiaqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq.

Majoriap suliarisai pillugit Namminersorlutik Oqartussat, kiisalu Kalaallit Nunaanni Naatsorsueqqissaartarfik qaqugukkulluunniit IT-reg.-imik aamma suliffissarsiortfittut nittartagaq www.suli.gl ikorsiullugit naatsorsueqqissaarutitut paasissutissanik pissarsiniartarsinnaapput, takuuq *Inatsisartut inatsisaat nr. 28 ulloq 9. december 2015 suliffisanut, ilitsersuisarnernut pikkorissaqqinnernullu qitiusumik ingerlatsiviit pillugit*, kiisalu *Inuussutissarsiornermut Suliffeqarnermullu Naalakkersuisoqarfimmut Nalunaarsuinissamut lleqqoreqqusaq.*

Ullut 14-it sinnerlugit suliffissarsiortut tamarmik www.suli.gl-imi CV-liussapput.

7 Sulisorisat

Majoriami sularisassat isumaginissaannut Majoriami sulisorisat akornanni piginnaasanik sanarfiginnittuarnissaq annertusaajuarnissarlu kommunalbestyrelsip qulakkeersimajuassavai.

Namminersorlutik Oqartussanit akiliutaasutut ingerlatsinissamut tapiissutit, takuuk *ingerlatsinissamut tapiissutit pillugit kapitali*, taamaallaat inuussutissarsiutinik ilinniarnermk ilitsersuisartutut ilinniartitsisartutullu sulisorisanut, kiisalu ingerlatsiviup pisortaanut aningaasarsiaqartitsinermut atorneqassapput. Taakkununngalu atasutut ilaapput sularisanut, soorlu ilinniarnermut suleqatigiinnermullu atatillugit angalanerit, pikkorissartitsinermut atortussat aamma ilinniartitsinermut atortussat. Attuumassutilittut amerlassusilinnik ingerlatsivinnut pisortat saniatigut suliamut tunngasumik pisortamik (fagchefimik) atorfinitssinissani kommunalbestyrelsip kissaatigissappagu atorfimmut tassunga kommunip nammineq aningaasartuutigisassaq akilissavaa.

Suliassanik iluarsiinerup sapersaatiginagu pitsaassutsikkullu iluseqartumik isumagisinjaanissaanik qularnaarismik sulisorisat annertussuseqarnissaannik, katitersimanissaannik pisarialittullu piginnaasaqarnissaannik pisinnaasaqarnissaannillu Majoriami sulisut katitersimanerinut tunngatillugu kommunalbestyrelse isumaginnissaq, taamaalillutik naammassisassatut anguniakkat tikinneqassammata. Taamaalillutik sulisorisat ilinniagaqarnikkut misilitakkatigullu tunngavigisaat Majoriap suliassaanut anguniagaanullu naleqquttuussapput, taamaalilluni innuttaasunik suliffissaaleqisunik allanillu sulanik isumagisaqarneq sunniuteqarlunilu piginnaaffigisatut ilusilimmik pisinnaassammat. Majoriami sulisorisanik piginnaanngorsaanermut neqeroorutit Namminersorlutik Oqartussanik suleqateqarluni pissapput.

Sulisorisat aningaasarsiaannut atorfinitssitaanerannullu atugassarisat pisortat isumaqatigiissutaannit aamma Naalakkersuisut, kommunit aamma isumaqatiginniniarsinnaatitaasunut kattuffiit akornanni isumaqatigiissutini atsiorneqarsimasuni ilaapput.

Sulisunik pisinnaasalinnik atorfinitssinissamut tunngatillugu Namminersorlutik Oqartussat isumasioqatigiinnermik ikorsiisinjaapput.

8 Aaqqissuussaaneq

Matumani naammassisassanut isumaqatigiissutikkut Suliffisanut, ilitsersuisarernut pikkorissaqqinnernullu qitiusumik ingerlatsiviit pillugit Inatsisartut inatsisaat nr. 28, ulloq 9. december 2015-imeersoq najoqqutaralugu suliassamik iluarsiissalluni kommunalbestyrelse pisussaaffilerpoq. Immikkoortoqarfittut ataasisutut illoqarfinni ataasiakkaani tamani Majoriamik ataatsimik kommunalbestyrelse pilersitsissaaq, takuuk inatsimmi § 1. Majoriamik aaqqissuussineq kommunalbestyrelsip aalajangiussinerata kingornatigut pissaaq, aammalu suliassanik iluarsiinissamut

tulluarnerpaatut ilusilimmik sumiiffimmi pissutsinik sianiginnittuussalluni. Kommunip kissaatigissappagu aaqqissuussinermut tunngatillugu suliamut tunngasutut isumasioqatigiinnermik Namminersorlutik Oqartussat ikorsiisinnnaapput.

Majorami suliassat assigiinngitsut tamakku aaqqissuussaanerat aamma timalittut inissisimaffigisaat innuttaasunut paasuminartuussapput.

Majoriamit, isumaginnittoqarfimmit aamma meeqqat atuarfiannit sinniisunik peqataaffigineqartumik inatsisitigut pisussaaffigisamik suleqatigiinnermut aaqqissuussinermik ataatsimik illoqarfinni ataasiakkaani tamani pilersitsisoqassaaq, takuuk inatsimmi § 5, imm. 3. Innuttaasut sapinngisamik pitsaanerpaamik suliassartaannik isumaginninnerup isumaginissaanut suleqatigiinnermut aaqqissuussiffimmi paasissutissat attuumassutilit pisariaqartullu paarlanteqatigiissutaassapput, takuuk inatsimmi § 6.

Majoriamut illunik atortorissaarutinillu naleqquttunik pissarsiaqarnissamut, taakkulu ingerlatarinerisa aserfallatsaaliugarinerisalu isumaginissaannut kommunalbestyrelse pisussaavoq. Sullivinni isumannaallisaanermut inatsimmi qaqugumulluunniit atuuttutut piumasaqaatinik illut atortorissaarutillu malittarissavaat. Majoriap atugassaatut illut sapinngisamik illoqarfiit qeqqaniitinniarneqassapput, taamaalilluni kommunimi innuttaasunut Majoriamut attaveqarnissaq sapinngisamik takusassaallunilu naleqquttuutinneqassamat.

Kommunimi kollegianik ingerlatsinermut nakkutilliisarnermullu kommunalbestyrelse akisussaasuuvvoq.

9 Aningaasaqarneq

Majoriamik ingerlatsinermut ineriertortitsinermullu aningaasartuutit kommunip akiligassarai. Aningaasaliiffiunera ilaatigut ilitsersuinermut piginnaanngorsaanermullu tunngasortaanut Namminersorlutik Oqartussanit ingerlatsinermut tapiissutitigut, ilaatigullu assingusumik kommunimit akiliutaasukkut pisarpoq. Aningaasaliissutit ataatsikkut Majoriamti ilitsersuinermut piginnaanngorsaanermullu tunngasortaanut naleqqiullugit suliassamik iluarsiinissamut naammattunik isumallutinik qularnaarissapput, Majoriamti suliffissarsiuussinermut tunngasortaq kommunimut tapiissutinit akilerneqassalluni.

Majoriamut namminersuutigisassatut naatsorsuutinut kontoliorneq aqqtigalugu kommunip suliassaasa aqutsinerisalu sinnerinut akisussaaffeqartitaanngitsumik communalbestyrelse Majoriamik ingerlataqassaaq. Kontomi tassani naatsorsuutinik inissiinerit tamarmik pissapput, aammalu kommunip Namminersorlutik Oqartussanut tunniuttagaanut Majoriamik ingerlatsinermut ukiumoortumik naatsorsuutinut tunngaviussallutik.

Ukumi naatsorsuuffimmi tulliusumi naatsorsuutit inernerri kingusinnerpaamik ull. 1. maajimi nassutiissapput, naatsorsuutillu kingusinnerpaamik 1. oktobarimi. Taakku tamarmik qulinik kisitsitaqartitatut inissisimaffimmi nassutiissapput.

Ukiup siuliani kingusinnerpaamik 15. decembarimi naalakkersuisoqarfimmum ukiumut naatsorsuiffimmum takkuttussamut missingersuutinik communalbestyrelse nassiuississaq. Missingersuutit atuutsitaalersinnagit Namminersorlutik Oqartussanit akuerineqassapput.

Suliffeqarfimmum tunngasortaanut namminersuutigisamik missingersuusiamik communalbestyrelse tunniussaqassaaq, tamannalu naammassisassatut isumaqatigiissutip atsiornerani Namminersorlutik Oqartussanut nalunaarutigissavaa.

Suliffeqarnermut tunngasortaanut missingersuutit

Kommunalbestyrelse makkununnga aningaasaqarnermut akisussaaffeqarpoq:

- Ornigunnikkut ilitsersuisarneq, aamma tamatigoortutut ilitsersuisarneq
- Suliffissarsiuussisarneq
- Paasisaqarniarluni ingerlatat – VM-imik ingerlatat
- Illunik assingusunillu aserfallatsaaliuinerit

10 Ingerlatsinermut tapiissutit

Ukumoortumik ingerlatsinermut tapiissutaasartut kommunimut Inuussutissarsiornermut Suliffeqarnermullu Naalakkersuisoqarfikkut Namminersorlutik Oqartussat akiliutigisassavaat.

Ukioq naatsorsuiffik sioqqullugu oktoberip qaammataani kommunimut naatsorsuutigisatut ingerlatsinissamut tapiissutit nalunaarutigineqassapput, imaluunniit ukiumut pineqartumut akuersissutigisatut aningaasanut inatsisip kingornatigut piaarnerpaamik.

Majoriamut ukumoortumik missingersummik nalinginnaasumik missingersuutinut ingerlattakkaminut atatillugu communalbestyrelse suliaqassaaq. Taanna ukioq missingersuusiorfiusoq sioqqullugu kingusinnerpaamik 15. decembarimi naalakkersuisoqarfimmum nassiuinneqassaaq. Majoriamut ukumoortumik naatsorsuutinik nalinginnaasumik naatsorsuusiornermut ingerlattakkaminut atatillugu communalbestyrelse suliaqassaaq. Ukiup tulliani kingusinnerpaamik 1. maajimi naalakkersuisoqarfimmum naatsorsuutit inernerri nassiuinneqassapput. Majoriamut naatsorsuutit kingusinnerpaamik 1. oktobarimi nassiuinneqassapput.

Ukiut ataasiakkaat tamaasa ulloq 1. februaarimi ingerlatsinermut tapiissutit 80 %-ii akiliutigineqassapput. Ukiumi tassani ulloq 1. oktobarimi sinneri 20 %-it akiliutigineqassapput, tassalu naammassisassatut isumaqatigiissutaasumi isumaqatigiissutigisat malittarineqarsimassappata. Taama pisqarsimassangippat communalbestyrelsimit naammaginartumik nassuaatip tunniunnissaata tungaanut naalakkersuisoqarfiup 20 %-it sinneruttut uninngatissinnaavai. Tamanna pissanngippat kommunimut ingerlatsinissamut tapiissutinit 20 %-it sinneruttut taakku naalakkersuisoqarfiup akiliutiginissai pinngitsoortissinnaavai. Ingerlatsinermut tapiissutaasut akilerneqarfiannut tamakkiisutut ingerlatsinermut tapiissutit ukioq naatsorsuiffiusoq tamaat matussusiivigissavaat. Ingerlatsinissamut tapiissutinut tunniunneqartunut

aqutsinermut kommunalbestyrelse akisussaasuuvoq, aammalu kapitali 6 najoqqutaralugu Namminersorlutik Oqartussanut nalunaaruteqarnissaminut pisussaasuulluni.

Inuussutissarsiutnik ilinniarfinni inuussutissarsiutnik ilinniartuinut attuumassutilittut suliassanut tunngatillugu Namminersorlutik Oqartussat tapiissutigisaat suliarisanik ilinniartullu amerlassusaannit aalajangerneqartarput, ukiumilu aningaasaliiffiusup siuliani ull. 1. oktoberimi ilinniartut amerlassuserisaat tunngavigalugit ukiumut ataasiartumik ukiumut naatsorsuiffimmut takkuttussamut aalajangerneqartarlutik.

Majoriami inuussutissarsiutnik ilinniagaqarnermut ilitsersuinermut piginnaangorsaanermullu tunngasortaanut tunngatillugit tapiissutit sinneri tassaapput aalajangersimasutut ingerlatsinermut tapiissutit.

Inuussutissarsiornermik ilinniagaqarnermut ilitsersuinermut piginnaangorsaanermullu tunngasortaanut tunngatillugu Majoriamut tapiissutit tamakkiisut

| Takussutissiaq 1 | Tapiissutit | | Atuartut |
|--|------------------|--------------|------------|
| | kr. | Taarsigassat | Amerl. |
| Ingerlatsinermut tapissutit Nanortalik | 1.413.723 | | 47 |
| Ingerlatsinermut tapissutit Narsaq | 1.379.508 | | 40 |
| Ingerlatsinermut tapissutit Qaqortoq | 1.964.658 | | 43 |
| Atuagarsorneraqanngitsumik ingerlataq* | 660.000 | x | 6 |
| Sannaviit | 1.241.412 | x | 50 |
| Suliffeqarnermut siunnersortit | 700.000 | x | |
| I alt | 7.359.301 | | 160 |

* Ilinniartorisassat arfinillit assigaat qaammatini pingasuni ingerlatami ilinniartut 20-t

2021-mut tamakkiisutut ingerlatsinermut tapiissutit 4.757.889 kr.-nut naatsorsorneqarput. Ulloq 1. februaari 2021-mi 3.806.311 kr. akiliutaapput. Aningasat taakku assigaat ingerlatsinermut tapiissutit tamakkiisut 80 %-ii.

Ingerlatsinermut tapiissutini sinneruttut 20 %-it, 951.578 kr., 2021-mi kvartalit sisamaanni akiliutaassapput, tassani tunngavigineqassalluni isumaqatigiissutigisatut naamassisassatut angusassaq kommunimit anguneqarsimanersoq.

Ingerlatsinermut tapiissutinik illoqarfinnik immikkoortiterinerup najoqqutassaliiginnarnera malugiuk. Illoqarfinni assigiinngitsuni tamakkunani pisariaqartitsinerit tamakku malillugit aningaasaliissutit kommunip agguataarsinnaavai.

Kommunalbestyrelsip nalunaarut piffissaq eqqorlugu nassiuinngippagu, imaluunniit amigaateqartillugu nassiuuppagu kingunerititatut ingerlatsinissamut tapiissutinit 20 %-it sinneruttut uninngatinneqarsinnaapput.

Immikkut ittutut iliuusissat aamma agguassassat

A. Majoriami tunisassiorfittut ilinniarfinnut assingusunik ingerlatanik pilersitsinerit/Sannavit

Inuuusuttuni suliffissaaleqisuni kommunimi amerlassusaasut, aammalu illoqarfinni inuuusuttut 30-t inorlugit ukiulinni tamatigoortumik amerlassusaasut aallaavigalugit sannavinni suliffinnillu sungiusarnermik ingerlatani holdnik ilassutaasussanik pilersitsinissap pisariaqarsinnaanera Namminersorlutik Oqartussat naatsorsuutigaat. Ajornanngippat pisariaqartitsinerit malillugit ilikkagassani ataasiakkaani atuagarsornertalimmik ilinniartitsinermik holdit ataqatigiisineqarsinnaapput.

Sumiiffikkaani pisariaqartitsinernik siuliani taaneqartutut nalilersuinerit taakku aallaavigalugit ilassutitut sannavinni suliffinnillu sungiusarnermik ingerlatani aalajangersimatitatut pilersitsillunilu naammassinninnissamut ilassutitut suliniutinut aningaasaliissutinik aamma ilinniartutigisassanik kommunip qinnuteqarnissaa naatsorsuutigineqarpoq.

Ilikkagasanut ilinniartitsisumut, suliniutinut atortussanut ingerlatsinermullu, kiisalu ilinniartutigisassanut aningaasaliissutaasut suliniuteqarfiusumut toqqaannartumik tunniunneqassapput, aammalu suliniummut atatillugu aningaasartuutaasut taarsiiviginissaannut akiliutaassallutik. Suliniummut akisussaasoq toqqarneqassaaq, aammalu Inuussutissarsiornermut Suliffeqarnermullu Naalakkersuisoqarfik peqatigalugu ingerlanneqartuartumik akiligassanik isumannaarfingineqartassalluni.

Suliniummut aningaasaliissutit akuerineqartut ilinniartutigisassallu Inuussutissarsiornermut Suliffeqarnermullu Naalakkersuisoqarfilla isumannaarfingineqartassapput.

B. 15-18-inik ukiulinnut iliuuserisat/Atuagarsornertaqanngitsumik ingerlatat

2013-imi ukiut sisamat ingerlaneranni 15-18-inik ukiulinnut immikkut ittumik iliuuserisaq Namminersorlutik Oqartussat aallartisarpaat. Minnerpaamik qaammatinik pingasunik sivisussuseqartumik 2021-mi peqataasunut 20-nut sumiiffigisamut naleqqussakkamik ingerlatap ‘atuagarsornertaqanngitsup’ ingerlanneqarnissaanut aningaasaliissuteqartarnerup nanginnissaa Inuussutissarsiornermut Suliffeqarnermullu Naalakkersuisoqarfipu aalajangiussimavaa. ingerlatamut tassunga 660.000 kr.-nik aningaasaliissuteqartoqarpoq. Ilinniartunut tapiisarnerit immikkut ittumik akiliutigineqartassapput.

Aningaasaliissutit ingerlatap naammassereernerani nuunneqassapput.

C. Nunaqarfinni ilitsersuineq

Inuuusuttunik 15-29-nik ukiulinni qulit sinnerlugit najugaqartuuffilinni nunaqarfinni tamani ‘ikaarsaariarfimmi ilitsersuinerit’ naammassineqassapput. Nunaqarfinni 15-29-nik ukiulinnik taakkunani

inuuusuttut qulit inorlugit najugaqartulinni nunaqarfinni ilitsuisarneq nunaqarfimmi qaninnerpaami, illoqarfimmi qaninnerpaami, oqarasuaatikkut imaluunniit Skypekkut pisassasoq Majoriaq naliliisaaq.

Angalanermut najugaqarnermullu aningaasartuutit, kiisalu paasisitsiniaanermut atortussat matussusernissaanut nunamut tamarmut agguassassaat 600.000 kr.-upput. Nunaqarfinnut tikeraarnissamut missingersuusiukkatut qinnuteqaat communalbestyrelsip Namminersorlutik Oqartussanut nassutiissavaa.

D. Ineriartortitsinissamut agguassassaat

Majoriami suliniutinut aningaasaliissutit qinnutigineqarsinnaapput.

Nunamut tamarmut agguassassaat tassaapput 1.650.000 kr., qinnuteqarnerullu kingornatigut aningaasaliisoqartarpooq.

10.1. Ilanniartutigisassat

Majoriami piginnaanngorsagaanissamik qinnutiginnittut tigusinnaasatut amerlassusaannut ilanniartunut tapiissutit akuerineqartarpooq. Ilanniartutigisassat isumaqatiginninniutaasaput, ukiumullu ataasiarluni naatsorsutigisatut ingerlatsinissamut tapiissutinik nalunaaruteqarnermut atatillugu aalajangerneqartarlutik.

Ilanniartutigisassat amerlassusaannik iluarsiinissamik pisariaqartitsisoqartoq communalbestyrelse isumaqassappat tamanna pillugu naalakkersuisoqarfimmum tunngavilersuutitaqartumik allakkatigut qinnuteqaammik communalbestyrelse nassiussaqarsinnaavoq. Qinnuteqaatip imarissavai ilanniartutigeriikkanik atuinermut, ilanniartitsisorisanut, kiisalu inissanut tunngasutut piukkunnaatinut piginnaasaqassutsinullu tunngasutut nassuaatit. Ilanniartutigisassat amerlassusaannik iluarsiinissaq pillugu qinnuteqaatinik naalakkersuisoqarfik nalilersuiartarpooq.

Agguaqatigiissillugu qaammatini qulini piginnaanngorsarfigisassanik ilanniartutigisassanut tamakkiisunut, assigalugit ilanniartut 186-it, 2021-mut kommune akuersissuteqarfiuovoq. Tiguneqarnissaminnut piumasaqaatinik pigisaqareersunut inuit iliuusissatut pilersaarumminni ilinniakkamut tiguneqarnissaminnik kissaateqartut ilanniartutut tapiissutinik tunineqarsinnaanngillat, taamaattorli atugassarisat tamatuminnga pissusissamisoortitsissappata immikkut ittumik ilanniartumut tapiissutissanut qinnuteqartoqarsinnaavoq.

Ilanniartutigisassatut akuerisaasut Inuussutissarsiornermut Suliffeqarnermullu Naalakkersuisoqarfillu akiligassartaasigut isumannaarfingeqassapput.

Ilanniartutigisassap ataatsip assigaa ilanniartoq ataaseq, qaammatini qulini pissarsisoq. Tamatuma assigissavai assersuutigalugit ilanniartut marluk qaammatini tallimani ilanniartunut tapiissutinik pissarsissappata ataatsimik ilanniartutigisaqarneq; ilanniartut tallimat qaammatini marlunni ilanniartunut tapiissutinik pissarsissappata assigissavaa ilanniartutigisassaaq ataaseq.

11 Nakkutilliineq

Naammassisassatut isumaqtigiissutip malittarineqarneranik, suliassallu iluarsiivignerannik nakkutilliinissamut Namminersorlutik Oqartussat qaqugullukkuunniit pisinnaatitaaffeqarlutillu pisussaaffeqarput.

Namminersorlutik Oqartussat nakkutilliinerat marloqiusamik siunertaqarpoq: Ilaatigut akuttoqatigiaartumik nalunaaruteqartarnerit aamma IT-mik sakkussat atorlugit nalunaarsuisarnerit suliaqarfigalugit malittarineri, aammalu naammassisassatut isumaqtigiissummik naapertuisumik sumiiffiusuni ingerlatsinerit ineriertortitsinerillu pisarnissaannik qularnaarinerit, ilaatigullu pisariaqartinneqassappat sulianut tunngasutut ikorsiinermik, isumasioqateqarnermik ilitsersuinermillu ikorsiiniarluni kommunilu oqaloqateqarneq.

Aningaasaliissutaasutut ingerlatsinissamik tapiissutit, kiisalu ilinniartunut tapiissutit akuersissutaasut atornerinik Inuussutissarsiornermut Suliffeqarnermullu Naalakkersuisoqarfik nakkutilliisuuvvoq.

Aningaasaliissutaasumut naleqqiullugu siunertanut allanut ingerlatsinermut tapiissutit aamma ilinniartunut tapiissutit atorneqartut paasineqassappat ingerlatsinermut tapiissutit kiisalu ilinniartunut tapiissutit akiliutigineri Inuussutissarsiornermut Suliffeqarnermullu Naalakkersuisoqarfik unitsissinnaavai, aammalu ingerlatsinermut tapiissutit akiliutaasut tamakkiisumik imaluunniit ilaannakortumik utertillugit akiliutiginissaat piumasaqaatigisinnallugu.

12 Akerleriissutaasut, pisussaaffimmik sumiginnaaneq aamma kalerriisarneq

Isumaqtigiissut manna tassaavoq toqqammavissiisutut isumaqtigiissut. Isumaqtigiissummik paasisaqartarneq pillugu isumaqtigiinnginnej pinngussappat illua'tungeriit isumaqtiginninniarneq aqqutigalugu isumaqtiginninniassapput. Illua'tungeriit tamarmik isumaqtiginninniarususseqassanerat tunngavineqarpoq.

Isumaqtigiissummik matuminnga Namminersorlutik oqartussat sumiginnaassappata qaammatinik arfinilinnik sioqqutisumik kalerriissuteqarluni kommunalbestyrelsip isumaqtigiissut atorunnaarsissinnaavaa. Tamanna sioqqullugu isumaqtigiissutip atorunnaarsinnissaanik kommunalbestyrelsip kissaateqarnera pillugu Namminersorlutik Oqartussat allaganngorlugu kalerriissummik pissarsiaqarsimassapput, aammalu minnerpaamik qaammammik ataatsimik piffissalikkamik isumaqtigiinngissutaasup suussusaa apeqqutaatillugu isumaqtigiinngissutaasinnaasut qanoq ilillutik iluarsiivigneqarsinnaanerinik siunnersummik pissarsissallutik. Ukiutut naatsorsuiffimmuit takkuttussamut tapiissutissat inaarutaasutut nalunaarutigineranni nalunaarutaagallartumut naleqqiullugu annertuumik allannguuteqartoqassappat ukiup naatsorsuiffiup taassuma iluani isumaqtigiissut kommunip atorunnaarsissinnaassavaa.

Isumaqtigiissummi, imaluunniit tassunga ilanngussani nalunaarsukkatut suliassanik isumaginninnermik communalbestyrelse sumiginnaassappat, ilanngullugulu nalunaaruteqartarnermut pisussaaffigisamik

malittarinninnigippat qaammatinik arfinilinnik sioqqutsisumik kalerriissuteqarluni Namminersorlutik Oqartussat isumaqatigiissut atorunnaarsissinnaavaat. Tamanna sioqqullugu isumaqatigiissutip atorunnaarsinnaasanik Namminersorlutik Oqartussat kissaateqarnerat pillugu communalbestyrelse allaganngorlugu kalerriissummik pissarsiaqarsimassaaq, aammalu Namminersorlutik Oqartussat tamatumunnga erseqqinnerusumik tunngavissiisummik tunniussaqassapput, kiisalu minnerpaamik qaammammik ataatsimik piffissalikkamik isumaqatigiinngissutaasup suussusaa apeqqutaatillugu isumaqatigiinngissutaasinnaasut qanoq ilillutik iluarsiivigineqarsinnaaneranik siunnersummik nassiussaqassallutik. Killissaliussap qaangiunnerata kingornatigut Namminersorlutik Oqartussat suli isumaqatigiisummik atorunnaarsitsiniassappata tamanna pillugu qaammatinik arfinilinnik kalerriinertalerlugu isumaqatigiissutip atorunnaarsinniarneranik Namminersorlutik Oqartussat communalbestyrelsimum nalunaarummik nassiussaqassapput.

Isumaqatigiissutigisatut suliassanik taakkuninnga communalbestyrelse suliaqarsinnaanngiffianik pisoqarfimmik pinngortoqassappat, imaluunniit isumaqatigiissutigisatut naammassisassatut anguniakkat piviusungortissinnaanngippagid tamanna pillugu kommune erniinnaartumik Namminersorlutik Oqartusanut nalunaaruteqarnissaminut pisussaaffeqarpoq. Ajornartorsiutaamut tunngaviusumik iternga tikillugu nassuaateqartoqassaaq, kiisalu pisoqarneranut kommune nammineq iluarsiinissamut siunnersuuteqassalluni. Aamma qanoq ililluni kommunip suliassanik iluarsiiniarneranik siunissamullu anguniagaasut anguniarneranik iternga tikillugu nassuarneqassapput. Naammassisassatut anguniakkat uterneqartuartumik anguneqannginneri, imaluunniit tamakkuninnga malitseqartitsinerit amigaatigineri annertuutut sumiginnaanertut isigineqassapput, taamatuttaarlu suliaqarfiussallutik.

Naammassisassatut isumaqatigiisummi matumani nassuarneqartutut Majorami suliassat Naalakkersuisunit akuerineqartinnatik suliariinnittussarsiuutigineqaqqusaanngillat, allatulluunniit isumaqatigiissutip avataaniittumit, namminersortutut suliaqartuusumit isumagineqaqqusaanatik. Suliaqartumut allamut Majorami suliassaq ataaseq imaluunniit amerlanerit tunniunneqarnissaanik/suliariinnittussarsiuutiginissaanik communalbestyrelse kissaateqassappat suliassap tunniunneqarnera/suliariinnittussarsiuutiginera sioqqullugu tamatumunnga Namminersorlutik Oqartussani akuersisummik pissarsiniartoqassaaq.

13 Atortuulerfia, piffissaq atuuffia, isumaqatigiinniaqqittarneq aamma atorunnaarsitsisarneq

Isumaqatigiissut manna ullormit 1. januaari 2021-mit atuutilerpoq, atuuffigalu piffissaq 1. januaari 2021-31. decembari 2021.


Isumaqatigiisummut matumunnga naleqqiullugu isumaqatigiissuteqarfittut piffissap iluani annertuunik allangnuuit pissappata isumaqatigiissutip isumaqatiginniutigeqqinnissaanik qaammatinik pingasunik killiliiffigisamik illua'tungeriit ataasiakkaat tamarmik piumasaqaateqarsinnaapput. Isumaqatigiissutip isumaqatigiinniutigineqaqqissinnaanerata kingunerinngilaa isumaqatigiisummik unioqqutitsinerit tunngavigalugit suliassanngortitsisinnaanerup killilerneqarnissaa, takuuk imm. 11.

Minnerpaamik qaammatit arfinillit sioqqullugit kalerriutigalugu isumaqtigiissut illua'tungeriinnit tamanit atorunnaarsinnejqarsinnaavoq. Isumaqtigiissut atorunnaarsinnejqassappat isumaqtigiisummik matuminnga atsiugaqarneq sioqqullugu aningaasartuutinik agguataarinissamut tunngavigisatut atuuttut ilaattilugit inuuussutissarsiutinik ilinniagaqartitsinermut tunngasutut suliassanik tamakkuninnga Namminersorlutik Oqartussat isumaginnituusussatut pisussaaffilerneqassapput.

Namminersorlutik Oqartussanut



Kommune Kujalleq



Ilanngussaq: Majoriamut aamma Majoriami suliassanut toqqammavigisat

1. Inatsisinut tunngasutut toqqammavigisat

Majoriami sularisanut qaqugukkulluunniit atuuttutut inatsisitigut tunngatillugit toqqammaviusut malittarineqartuartussaapput. Isumaqtigissutip atsiornerani inatsisinut tungnasutut toqqammavigisat tassaapput:

- Inatsisartut inatsisaat nr. 28 ulloq 9. december 2015 *Suliffisanut, Ilitsersuisarnernut Pikkorissaqqinnernullu qitiusumik ingerlatsiviit* pillugit.
- Kalaallit Nunaannut suliffissarsiortut killilersimaarnissaat pillugu Inatsisartut inatsisaat nr. 27, 30. oktober 1992-imeersoq
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allannguuteqartinneqarnera pillugu Inatsisartut inatsisaat nr. 27, 9 december 2015. (Sulisitsut suliffisanut nittartakkamik atuinissaat)
- Kalaallit Nunaannut suliffissarsiortut killilersimaarneqarnissaat pillugu Inatsisartut inatsisaata allanngortinnejnarneranik Inatsisartut inatsisaat nr. 23, 28. november 2016-imeersoq (Atuuffia aamma ilinniakkat allat, nalunaarusiortarneq il.il.)
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq
- Suliffeqarnermi innersuussisarneq il.il. pillugit Inatsisartut inatsisaata nr. 5, 8. juni 2014-imeersup allannguuteqartinnissaa pillugu Inatsisartut inatsisaat nr. 6, 3. juni 2015-imeersoq (Suliffinnut nittartakkap atorneqarnera)
- Kalaallit Nunaannut suliffissarsiortut killilersimaarnissaat pillugu Inatsisartut inatsisaata allanngortinnejnarnera pillugu Inatsisartut inatsisaat nr. 22, 13. november 2017-imeersoq (Aalajangiinissamut killigitat)
- Suliffeqarnermi innersuussisarneq il.il. pillugit Inatsisartut inatsisaata allannguuteqartinneqarnera pillugu Inatsisartut inatsisaat nr. 32, 9. december 2015-imeersoq (Nuttarnerulersitsinissamut ikorsiissutit atorneqarnerulernissaat)
- Ilinniartunut tapiisarneq pillugu Inatsisartut inatsisaat nr. 45, 23. november 2017-imeersoq
- Kalaallit Nunaanni ilinniartitaanermut inuussutissarsiuutinillu siunnersuisarneq pillugu Namminersorlutik Oqartussat inatsisaat nr. 4, 29. november 2013-meersoq
- Inuussutissarsiuutinik ilinniartitsinerit aamma inuussutissarsiuutinik ilinniartitsinerup iluani pikkorissaanerit pillugit Inatsisartut inatsisaat nr. 10, 19. maj 2010-meersoq
- Suliffeerunnermi ikorsiissutit pillugit inatsisartut inatsisaat nr. 2, 15. maj 2014-imeersoq
- Piginnaanngorsaaqqinnissamut ikorsiisarneq pillugu Inatsisartut peqqussutaata allanngortinnejnarneranik Inatsisartut inatsisaat nr. 10, 1. juni 2017-imeersoq (Qulaajaaniarluni ingerlassaq, eqaannerusumik suliffeqarneq, aamma aningaasarsianut tapiissutit)
- Pisortat ingerlatsineranni suliassat sularineqartarnerat pillugu Inatsisartut inatsisaat nr. 8, 13. juni 1994-imeersoq
- Pisortat ingerlatsinerat pillugu paasitinnejqarsinnaatitaaneq pillugu Inatsisartut inatsisaat nr. 9, 13. juni 1994-imeersoq

- Naalakkersuisunit akuerineqartutut ukiumoortumik aningaasanut inatsit
- Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit
Inatsisartut peqqussutaata allanngortinneqarneranik Inatsisartut peqqussutaat nr. 1, 16. maj 2008-imeersoq (Inuussutissarsiutinut pikkorissartitsisarnerni tapiissuteqartarnermut inatsisini pineqartut annertusineqarnerat, sungiusaammik sulinermi akissarsianut maleruagassat, kiisalu suliassaqarfip allanngorneranut tunngatillugu erseqqissaatit)
- Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit
Inatsisartut peqqussutaata allanngortinneqarneranik Inatsisartut peqqussutaat nr. 11, 18. december 2003-meersoq (Sungiusarluni sulinermi tapiissutinut tunngatillugu malitsigisaanik allannguutissat)
- Piginnaangorsaaqqinnissamut ikorsiisarneq pillugu Inatsisartut peqqussutaat nr. 4, 31. maj 2001-imeersoq, kiisalu Inatsisartut peqqussutaat nr. 3, 1. juni 2006-imeersoq piginnaangorsaaqqiinermi ikorsiissutinut peqqussummik allannguineq pillugu.
- Piginnaangorsaaqqinnissamut ikorsiisarneq pillugu Inatsisartut peqqussutaata allanngortinnissaa pillugu Inatsisartut peqqussutaat nr. 3, 1. juni 2006-imeersoq (Piginnaangorsaaqqittussap periarfissai annertusarneqarput, piginnaangorsartunut tamanut sungiusarnermut ilinniagaqarnermullu periarfissat annertusineqarput kiisalu piginnaangorsarnermut piffisarititaq ukiunut marlunnut sivikillineqarluni)
- Suliffissaaleqisunik sulilersitsiniarneq pillugu Inatsisartut peqqussutaat nr. 14, 12. november 2001-imeersoq

- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Kommunini suliffissarsiuvussisarneq suliffissarsiorttullu killilersimaarneqarnissaat il.il. pillugit Namminersornerullutik Oqartussat Nalunaarutaat nr. 40 18. september 1990-imeersoq
- Kalaallit Nunaanni suliffissarsiortut killilersimaarnissaat pillugu Namminersornerullutik Oqartussat Nalunaarutaat nr. 24, 26. august 1993-imeersoq
- Kommunini suliffissaqartitsiniutinut tapiissutit pillugit Namminersornerullutik Oqartussat nalunaarutaat nr. 42, 28. september 1994-imeersoq
- Suliffeqarfimmi piginnaangorsaaqqinnermi akissarsianut tapiissutit, piginnaangorsaaqqinnermut pilersarut, piginnaangorsaaqqinnermi ikorsiissutit aamma eqaannerusumik suliffeqarneq pillugit Namminersornerullutik Oqartussat nalunaarutaat nr. 40, 13. december 2001-imeersoq
- Nuttarnerulersitsiniarluni tapiissutit pillugit Namminersornerullutik Oqartussat nalunaarutaat nr. 24, 25. august 2008-meersoq
- Inuussutissarsiutinut pikkorissartitsisarnernut tapiissutit pillugit Namminersornerullutik Oqartussat nalunaarutaat nr. 21, 1. juli 2008-imeersoq

- Karakteeriliisarnermi tulleriinnilersuineq allatullu naliliisarneq pillugit Namminersornerullutik Oqartussat nalunaarutaat nr. 14, 23. juni 2008-imeersoq
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paassisutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq
- Ilinniartut sungiusartullu atorfinitssinnerini suliffiit pisortanilu oqartussat inuiqatigiinni akisussaaffeqarnerat pillugu Inatsisartut inatsisaat nr. 17, 27. november 2020-imeersoq
- Inuussutissariornermut Suliffeqarnermullu Naalakkersuisoqarfimmut nalunaarsuisarnermut ileqqussaq.

Ilanngussaq: Najoqqtassiaq: Naammassisassatut isumaqatigiissummut malitseqartitsineq

Ilanngussaq: Punkt A-mut qinnuteqarnermut immersuiffik